

Ured za koordinaciju projekata - PCU pri Federalnom Ministarstvu poljoprivrede, vodoprivrede i šumarstva sa sjedištem u Sarajevu, ul. Grbavička br.4, 71000 Sarajevo, Bosna i Hercegovina, zastupan od strane prof. dr Halila Omanovića, PCU direktora (dalje u tekstu: **PCU**)

;

Općina Trnovo, Trnovo 36, 71223 Delijaš, koju zastupa Ibro Berilo, načelnik općine (dalje u tekstu: **Općina**),

(dalje nazvani: potpisnici MoR-a) su dana 11.11. 2021. godine zaključili

MEMORANDUM O RAZUMJEVANJU

Član 1.

(i) Na osnovu Sporazuma o zajmu, potpisanog između Međunarodnog fonda za poljoprivredni razvoj (International Fund for Agricultural Development -IFAD) i Bosne i Hercegovine, Projektnog sporazuma, potpisanog između IFAD-a i Federacije Bosne i Hercegovine, i Supsidijarnog sporazuma, potpisanog između BiH i Federacije BiH za Projekt razvoja ruralnih poduzeća i poljoprivrede (Rural Enterprises and Agricultural Development Project - READP) potpisuje se ovaj Memorandum o razumijevanju (dalje u tekstu: **MoR**) kojim se utvrđuje međusobna saradnja između potpisnika MoR-a za aktivnosti usmjerene pružanju potpore razvoju klastera, odabranih lanaca vrijednosti i unapređenja konkurentnosti klastera, sufinansiranje rekonstrukcije i izgradnje podobnih mikroprojekata ruralne tržišne infrastrukture u projektnoj **Općini Trnovo**, u Federaciji Bosne i Hercegovine na području **Klastera 4**.

(ii) Dio sredstava predmetnog Projekta je namjenjen za sufinansiranje aktivnosti u pružanju tehničke i finansijske podrške siromašnim poljoprivrednim proizvođačima u podizanju novih ili proširenju postojećih proizvodnih kapaciteta, jačanju kapaciteta farmerskih organizacija radi što kvalitetnijeg pružanja usluga članovima i kooperantima kod poboljšanja poslovanja i infrastrukturnog povezivanja u vidu nabavke i isporuke start paketa, opreme koja će unaprijediti tržišne veze i omogućiti malim posjednicima viši udio na tržištu i povećane prihode, te sufinansiranje rekonstrukcije i izgradnje podobnih mikroprojekata ruralne tržišne infrastrukture.

(iii) Cilj Projekta je povećati prihode siromašnih domaćinstava (posebno žena i mladih) kroz njihovo angažovanje u profitabilnim agro-biznisima i kroz stvaranje prilika za njihovo lakše zapošljavanje, na način da će Projekat inicirati mogućnosti boljeg povezivanja farmi, farmerskih organizacija (FO) i LIDERA sa komercijalnim tržištem.

Član 2.

(i) Saradnja između potpisnika MoR-a se ogleda u pružanju podrške poboljšanju koordinacije lanaca vrijednosti i pod-sektora kroz nastavak aktivnosti usmjerenih na dalji razvoj Platforme aktera u klasteru, kao i usmjeravanje javnih politika i partnersko ulaganje javnih i privatnih aktera, zasnovano na transparentnom dijeljenju troškova intervencija po modelu prihvatljivih poslovnih prijedloga (biznis planova-BP), a na način kako je definirano Proketnim dizajnom.

(ii) Potpisnici MoR-a su upoznati da je pristup Projekta zasnovan na modelu javno-privatnog partnerstva, čime se javna sredstva koriste kako bi se obezbijedilo pojačano ulaganja privatnog sektora u 'win-win' partnerstvu, u kojemu dobivaju svi.

(iii) Model zajedničkog ulaganja će se primijeniti kroz odobrene poslovne planove (BP) i odabrane lance vrijednosti (LV), a glavni akter provedbe po principu partnerstva su općine i viši nivoi vlasti kao javni sektor, te privatni partneri/agrobiznisi i farmerske organizacije (udruženja poljoprivrednika i poljoprivredne zadruge).

Član 3.

Saradnja između potpisnika MoR-a u ostvarivanju ciljeva READP-a i ciljeva lokalnih zajednica u Klasteru 4. i Platforme aktera u klasteru za razvoj poljoprivrede ogledat će se kroz:

- zajedničko planiranje aktivnosti;
- razmjenu informacija;
- zajedničke nastupe;
- saradnju u procesu definisanja mikro-projekata i aplikacija u okviru READP-a za područje Klastera 4.;
- sufinansiranje dijela aktivnosti Klastera 4, te pružanje podrške u pripremi i realizaciji istih;

- poticanje međuopćinskog dijaloga u cilju razvoja poljoprivrede i ruralne konkurentnosti;
- drugi oblici saradnje, koji predstavljaju zajedničke ciljeve ili interese strana potpisnica MoR-a.

Član 4.

(i) Saradnja u pogledu implementacije finansijske podrške siromašnim poljoprivrednim proizvođačima i farmerskim organizacijama ogleda se u sljedećem:

- Za odabrane korisnike (farmere) Projekat je dizajnirao učešće u sufinanciranju 40% troškova inicijalnih grantova za nabavku standardnog starter paketa za farmere sa utvrđene liste potencijalnih korisnika, uz dodatnih 20% na cijenu standardnog starter paketa za žene i ruralnu mladež;
- Općina se obvezuje da će sufinancirati svakog odabranog korisnika sa područja Općine u nabavci starter paketa do 10% njegove ukupne vrijednosti, kao i 10% od ukupne vrijednosti za nabavku opreme, sitne mehanizacije i infrastrukture manjeg kapaciteta za odabrane farmerske organizacije (UP/PZ/ZZ), koje su prethodno identificirane u Biznis Planu, saglasno Projektnom dizajnu;
- Preostali iznos do pune cijene će financirati krajnji korisnici (farmeri i FO) iz vlastitih sredstava.

(ii) U izuzetnim okolnostima, za najsiromašnije Općine, koje ne mogu osigurati potrebno učešće, PCU će prihvatiti i manji doprinos Općine u sufinanciranju navedenih aktivnosti.

Član 5.

(i) Saradnja po pitanju implementacije mikroprojekata (MP) izgradnje i rekonstrukcije tržišne infrastrukture u okviru Projekta, koja je prethodno identificirana kroz poslovni prijedlog (BP), ogleda se u vidu zajedničkog partnerskog ulaganja Projekta sa Općinama i, kad god je to primjenjivo sa drugim subjektima, kao što su poslovni lideri i farmerske organizacije.

(ii) Projekat će podržati dvije kategorije infrastrukturnih aktivnosti (a) infrastrukturu u javnom vlasništvu i upravljanju, kao što je javna vodoopskrba, od koje koristi ima više poljoprivrednika na određenom području, ili obnovu i izgradnju seoskih puteva, malih mostova koji povezuju poslovne lidere i ciljane domaćinstva; (b) infrastrukturu u javnom vlasništvu, poput sistema za navodnjavanje, hladnjača i postrojenja za pakiranje, kojom se zajednički upravlja u partnerstvu između Općina, FO-a i privatnog sektora.

(iii) Omjeri prihvatljivosti za sufinanciranje koji se očekuju od Općina i drugih subjekata razlikovat će se ovisno o njihovom stepenu privrednog razvoja. Stvarna obveza sufinanciranja infrastrukturnog projekta bit će jedan od ključnih kriterija za odabir infrastrukture podobne za financiranje.

(iv) Očekivano prosječno ulaganje Projekta iznosi približno 75% , s tim da može varirati između 95% i 30% ovisno o stepenu razvoja općine, ali u svim slučajevima financiranje Projekta u različitim kategorijama infrastrukture bit će podložno određenim granicama/limitima. Gornje granice će se primjenjivati samo na financiranje Projekta. Ne postoji gornja granica ukupne visine ulaganja u infrastrukturu sve dok razvoj infrastrukture ispunjava ciljeve READP -a.

(v) Odabrana infrastruktura bit će rangirana na temelju procjene poštujući kriterije za utvrđivanje prioriteta mikro projekata tržišne infrastrukture definirane Projektnim dizajnom.

(vi) Model sufinansiranja mikroprojekta (MP) ogleda se na način:

- da Općina obezbijedi sve potrebne dozvole za izvođenje, kao i dozvole vezane za prava raspolaganja, zaštitu zemljišta i dokumentaciju o posjedovanju;
- PCU će provesti tenderske procedure za izvedbu mikroprojekta, te će nakon pribavljanja potrebnih saglasnosti pripremiti Ugovor o izvođenju radova sa odabranim ponuđačem, čiji će potpisnik biti i Općina;
- Općina se obavezuje da obezbijedi sredstva i da zaključi Ugovor sa ovlaštenim nadzornim organom u skladu sa Zakonom o građenju, čiji će zadatak biti da redovno nadzire izvedbu mikroprojekta;
- Ukoliko ukupna vrijednost mikroprojekta prelazi maksimalan iznos za podobno Projektno sufinansiranje u propisanim procentima, Općina se obavezuje da obezbijedi sva nedostajuća sredstva do pune ugovorene vrijednosti;

- Iznosi za radove po zaključenom Ugovoru sa izvođačem radova biće definisani u okviru pojedinačnih Ugovora, shodno najniže procjenjenoj ponudi, za koju je predložena dodjela Ugovora;
- Sva eventualna prekoračenja dodatnih radova finansirat će se isključivo sredstvima lokalne zajednice (Općine) ili korisnika;
- PCU će ugovoriti pružatelja usluga (engl. SP) koji će delegirati inženjera za infrastrukturu a koji će u ime PCU-a biti zadužen za pregled aplikacija delegiranih MP-a, te kontrolu i nadzor prilikom izvođenja radova;
- Plaćanja izvođaču radova će vršiti PCU i Općina na osnovu potvrde (obračuna) o obimu izvedenih radova i/ili isporučenih materijala, koja mora biti potpisana od strane nadzornog organa, ovlaštenog predstavnika Općine, te u ime PCU-a inženjera za infrastrukturu;
- PCU će po završetku radova izvršiti predaju objekta Općini, a Općina će preuzeti svu odgovornost i obaveze u pogledu vlasništva, održavanja i korištenja MP-a.

Član 6.

Potpisnici MoR-a su saglasni da u skladu sa svojim potrebama i mogućnostima sufinansiraju projektne aktivnosti po prethodno odobrenim poslovnim planovima (BP) u klasteru i podsektoru koji uključuju i razvoj tržišne infrastrukture.

Član 7.

U svrhu obavljanja zadataka i ostvarivanja ciljeva utvrđenih ovim MoR-om, potpisnici MoR-a saglasno utvrđuju da će imenovati po jedno lice koje će biti zaduženo za buduće kontakte u sklopu realizacije MoR-a.

Član 8.

(i) Potpisnici MoR-a saglasno konstatuju da će svoja međusobna i pojedinačna prava i obaveze po ovom MoR-u regulisati potpisivanjem Aneksa na ovaj MoR, u skladu sa potrebama.

(ii) Sporazumne strane saglasno utvrđuju da će sve eventualne izmjene i dopune ovog MoR-a sklapati u pisanom obliku. ■

Član 9.

(i) Potpisnici ovoga MoR-a su saglasni da će međusobne odnose utvrđene MoR-om graditi na principima međusobnog povjerenja, poslovnog morala i dobrih poslovnih običaja.

(ii) Sporazumne strane saglasne su da će sve eventualne nesporazume rješavati mirnim putem.

Član 10.


Ovaj MoR se zaključuje do završetka Projekta, s time da ga svaka Sporazumna strana može otkazati pisanim putem sa navođenjem razloga za otkazivanje, uz otkazni rok od 30 dana.

Član 11.

MoR je sačinjen u dva istovjetna primjeraka na jednom od službenih jezika u BiH, od kojih svaki potpisnik MoR-a zadržava po jedan primjerak.

Član 12.

Ovaj MoR-a stupa na snagu i primjenjuje se danom negova potpisivanja.



Broj: 09-1-01- 0106 /2021.



Broj: 02-02-58/11 /2021.